

Augsburg, 15./17. Juli 1569

An Theodor Zwinger

UB Basel, Fr. Gr. I 11, fol. 322r.

S. Non ferè habeo, quod scribam, Clariss[ime] et humaniss[ime] D. Doctor.<sup>1</sup> Nam et de typographicā et testamentario negocio iampridem respondi. Illud tantū rogo, vt meas nugas curare pergas, et, si pecuniola legata, soluta nondum est, vt commoda aliqua occasione ad me mittatur. Id erit mihi gratissimum. Vale, et D. Ramo S[alutem] cuius lucubrationes huc non esse perlatas, molestè fero: scire etiam cupio, quid nunc vel praelo subiecerit, vel adornet edendum breui: Tuae item Musae quid meditentur, nosse velim. Nec enim te cessare existimo. Iterum vale. Augustae Idibus Iulij 1569.

Hiero[nymus] Wolfius  
Tuus.

Epistolas Aeschinis et Demosthenis graecas Argentinae sum nactus. Quare non est quod de ijs labores:

17 Iulij allatae mihi sunt Episcopij literae: quae efficiunt, vt vel memoriam vel constantiam in eo desiderem. Mouet nouas rixas de Vlpiano et Demosthene, quos Oporino correctos dedi: cum mihi vtrunque corrigendum iam pridem miserit: et dubitat, an specimen Demosthenis sit ad nondinas Francofortenses editurus. Ò fidem typographicam: ò me dementem, qui non potius Musis meis fruar, quam ob lanam caprinam laboribus et vigilijs conficiam.

<sup>1</sup>Am Rand vermerkt: Amanuensis meus, Petri Rami studiosiss[imus], versiculos hos mihi obtrusit: quos illi, si videbitur, dabis.